



Emma: Frau Hansen, dü satst üüb Austraalien!

Frau Hansen: Uu, det dee mi iarig. Wiarst dü diar al ens?

Emma: Nee, det as so widj wech! Oober wi keer detheer juar efter Frankrik, det as uk en temelk widj rais. Mä üüs auto brük wi twuntig stünj, oober wi maage uk pausin.

Paul: So föl flagen, fu wi det ales hen? So, diar as Rüslun.

Klara: Ik haa det flag faan Öösterik, leet mi diar ens hen!

Emil: Ik schük Denmark, diar wenet man unkel – uu, diar haa ik't fünjen!

Emma: Hanna, dü heest det flag faan Frankrik, ik haa't al soocht! Mut ik det haa?

Hanna: Jä, hal, ik haale mi do det flag faan Sweeden faan a wöningbeenk, teew!

Paul: Luke ens, Tedi teenkt, wat as Rüslun grat, diar kön ik mi ferluup!

Frau Hansen: Wat dü ales so fertäälst! Sai mi ens – huar as Japaan?

Emma: Diar, gliks bi di uun a huk, det as so en smok flag mä en graten ruaden kreis, so üüs üüb Ina san swiiter!

Ina: Jä, det stemet. Man swiiter schocht ütj üüs det flag faan Japaan!

Paul: An Emil san swiiter schocht ütj üüs de Dannebrog, det deensk flag.

Emma: Frerk, heest dü Poolen do al fúnjen? Diar wiar wi ferleeden juar.

Frerk: Na klaar, oober ik kem diar ei bi, Broder as uun a wai.

Paul: Leet ham man, hi as uun't schüken.

Emma: Ik liaw, wi skel ham en betj halep, diar boowen kön det niks wurd.

Broder: Ik kön Holun ianfach ei welerfinj!

Paul: Do luke ens efter lachts, efter waasten!